





第四九四册

四庫全書

● 上海古籍出版社

本冊目次

武功縣志
朝邑縣志
嶺海輿圖
滇略
吳興備志

明康海撰……………一
明韓邦靖撰……………四七
明姚虞撰……………六一
明謝肇淛撰……………九七
明董斯張撰……………二五

欽定四庫全書

史部
武功縣志卷二

詳校官編修_臣曹振鏞

檢討_臣德生覆勘

總校官原任中允_臣王燕緒

校對官中書_臣李斯咏

謄錄監生_臣何青

欽定四庫全書

史部十一

武功縣志

地理類三_{都會郡縣之屬}

提要

_臣等謹案武功縣志三卷明康海撰海字德

涵武功人宏治壬戌進士第一授翰林院修

撰以救李夢陽事坐劉瑾黨削籍明史文苑

傳附見李夢陽傳中是志僅七篇曰地理曰

建置曰祠祀曰田賦曰官師曰人物曰選舉

欽定四庫全書

_{武功縣志}

凡山川城郭古蹟宅墓皆括于地理官署學

校津梁市集則歸于建置祠廟寺觀則總以

祠祀戶口物產則附于田賦藝文則用吳郡

志例散附各條之下以除冗濫官師則善惡

並著以寓勸懲王士禎謂其文簡事核訓詞

爾雅石邦教稱其義昭勸鑒尤嚴而公鄉國

之史莫良于此非溢美也志刻于正德己卯

萬歷間再經刊行旋復散佚乾隆二十六年

武功知縣馮星阿得抄本于孫景烈因為重刊其國點細評皆出景烈之手頗嫌疣贅又王士禎稱武功志載璇璣圖而此本無之考海孫呂賜嘗刻璇璣圖讀前有題識云余錄先太史縣志真本悉依原編惟蘇氏詩未錄非敢輕有變置故附數語錄本之末述先太史之意冀來者之鑒余志也然則此本乃呂賜所刊除矣明人好改古書乃至祖宗著作子孫亦必變亂之惟庸故妄斯之謂歟乾隆四十三年三月恭校上

總纂官臣 紀昀 陸錫熊 孫士毅

總校官 臣 陸 費 墀

武功縣志原序

予嘗兩至武功涉漆釣津陟雍丘遊鳳麓渡渭而尋太白終南之奇北顧九峻諸山則見碧流襟帶翠嶽揖讓珍木蔚鬱灝光組繡風氣翕乎四來龍虎儼而交應未嘗不臨景命筆而羨斯地之勝也及予訪后稷之墟覽唐太宗之舊問爰子卿之眉叅張橫渠之象誦康尚書之勛然後知斯地之效而對客談山言未或忘之夫美稼不發境瑯修松不挺培塿斯已然矣若乃積高而築堵不繼表正而式影弗端則求諸嗣有政教者焉夫后稷政之祖橫渠教之宗官無后稷之心者皆忍夫師無橫渠之志者皆貨客如仁義之有托即政教之咸興緊茲人物有不恒茂者乎雖然政不必皆官識法者即可立教不必皆師見道者即可端故王烈之政亦行太原綿駒之歌能教齊右武功之志凡以憂夫此也志七篇地理約而不漏建置則而有據祠祀先今而後古官師直書而勸戒自形人物之志浩乎其無窮也君子于是

乎思古于是乎微今于是乎開來其志已勤矣選舉崇義而黜利益志之良者也學者觀其志目亦思過半矣是志也撰之者吾友康子德涵刻之者邑侯西蜀馮玉仲則斯政教也為有歸矣正德己卯冬十一月甲寅涇野呂樞書

武功康子作志七篇以記載武功之故緒理要會益燦然明備矣至其敘事顯義用昭勸鑒有可述焉夫先王之政紀其山川辨其疆域程其土宜稽其俗尚肆其采

欽定四庫全書

武功縣志

二

物以謹封守而察時變故書序九丘詩陳列國採風者具其美惡董事者正其得失務在因道財化追俗為制以施于久遠已爾夫天下之勢其所由來亡不有漸苟非早見而力救之則其勢莫可回而患成循約而治厚生而安其始未嘗弗一致迨于風尚澆淺而德實靡波其治不可長也戶口繁增而生利廣薄其安不可久也可以弗慎其漸哉余覽康子之書其地畝則由狹而廣戶口則由寡而衆賦役則由省而興財費則由約而靡

其產業則由富而貧地利則由饒而減民性則由強而弱風俗則由厚而漓吏治則由良而奸人才則由實而虛文教則由振而委亡弗降本流末廢正趨弊者矣嗟乎豈獨一邑然哉由此可以例諸四方矣正德十四年己卯冬十二月五日大復山人汝南何景明撰并書

欽定四庫全書

武功縣志

三

欽定四庫全書

武功縣志卷一

明 康海 撰

地理志第一

夫武功古有秦氏之國也有秦氏有女曰姜原爲帝嚳元妃生弃教民稼穡有功堯封于秦號曰后稷后稷卒子不窋嗣不窋末年夏后氏政衰去稷不務乃奔于戎狄之間周興爲岐豐之域平王東遷賜豐鎬于秦秦遂

欽定四庫全書

武功縣志

一

爲秦邑至始皇列天下爲郡縣以秦爲秦漢改武功縣隸右扶風去古秦城二十里王莽曰新光東漢復徙古秦城魏置爲武功郡領美陽縣晉改屬始平郡後魏復爲武功郡周改雍州武帝建德三年復置武功郡治郿城已而復爲縣隋改隸京兆郡唐武德三年改置郿州以武功好時蓋屋郿鳳泉隸之尋又析始平置扶風縣四年以岐州圍川隸之七年又以隸岐州貞觀元年隸雍州天授二年又置郿州領武功文明元年析以奉乾

陵乾寧二年以奉天置乾州領好時武功蓋屋醴泉而屬京兆府後唐同光中隸鳳翔長興元年復立京兆而以武功隸焉後晉置武功郡後周復改爲縣宋隸永興軍路京兆府政和八年同醴泉移隸醴州金改武亭縣元復爲武功隸乾州明興因之而通屬西安府廣四十五里袤五十里東興平東南鄠南蓋屋西南郿西扶風西北麟遊北乾州東北醴泉城圍三里二百二十步半附雍原之麓元末張良弼李思齊增築以據守者循原

欽定四庫全書

武功縣志

二

又列十有二城洪武九年長興侯弟都督忠奉詔屯戍于此以控制關內復增築之諸城皆至今存舊志云雍州之域井鬼之次有平原控其東鳳岡翼其西長川帶其北終南太白揖其南蓋古形勝之區強武之國也治凡十五里

里名見建置志社學下

舊志有山原七川六太乙山屬蓋屋太白武功兩山與褒谷水屬郿五大原屬岐三時原屬扶風故俱不復載載其今有者

東原在縣東其南與雍原相直或曰通西原皆謂雍原

云

雍原即縣西原城所附者古周原也鳳岡者原北行岡

也

武亭川縣川也其南十二里古川口蓋漆水川也

漆水縣東門外水今謬爲武水者也自幽岐之間來

縣北受浴水南受漳水入渭鄭漁仲序地里略謂天下

如指諸掌而信漆由富平入渭之說蓋括地志未審幽

欽定四庫全書

武功縣志

三

岐涇渭脉絡所在富平在涇東漆在涇西安有岐梁之

水越涇而東再至富平始入渭也漁仲誤且如此況其

餘乎詩曰自土沮漆書曰麓在漆縣今郃與麓封里有

漆村是也

浴水乾州西夾道水也亦從幽西梁山來意此或即沮水

關西人讀浴若于于沮固易訛耳漁仲亦以東自富平

入渭殊誤

漳水即圓川水自扶風東門外受鳳泉水至縣南從漆

水入渭

建子溝在縣南十七里近慶善宮

美陽故城在縣西原八里後漸徙鳳泉東則今扶風境

內也

古麓城在縣南八里漆村東古有麓氏之國也今縣西

南三十里亦有麓城者前漢徙置之爾

高泉宮在古美陽城秦宣太后宮也

慶善宮在川口東南今沒於渭唐高祖故宅武德六年

欽定四庫全書

武功縣志

四

改名慶善宮太宗所生宅也貞觀六年幸之宴從臣賞

賜閭里同漢沛宛帝歡甚賦詩曰壽丘唯舊跡豐邑乃

前基粵子承累聖懸弧亦在茲弱齡逢運改提劍鬱匡

時指麾八荒定懷柔萬國夷梯山咸入款駕海亦來思

單于陪武帳景逐衛文螭端辰朝四岳無爲任百司霜

節明秋景輕冰結水湄玄黃變原隰儲峙積京城共樂

還讓燕歡此大風詩起居郎呂才被之管絃爲功成慶

善樂名九功之舞十一年冬獵于武功賦冬狩詩曰烈

寒風起慘慘飛雪浮霜凝廣限水學結清流金輿移
上苑玉勒騁平晴旌旗四望合里綱一面求楚路爭鹿
瑤臺七角虎愁忙投密樹鳴驚起沙洲騎斂原塵靜
戈迎獵日收心悲洛汭遠意在渭濱過食荒非所樂撫
撫憂因再幸慶善宮上更賦詩曰昔馬依朔吹驚禽懷
舊感深衣積善忻餘慶暢武悅成功垂衣天下治端拱
車書同白水迴前跡丹陵幸宮官列成數故老高宴聚
新豐駐蹕撫白曜山帶日紅於馬歌擊筑聊以詠南風
空歌與含霜白道山帶日紅於馬歌擊筑聊以詠南風

帝又有過武功舊宅詩二篇許敬宗上官儀應制奉和
馬今悉著于篇可以親見當時之盛云帝詩其一新豐
鳴笳圍荒一徑斷臺古半陷斜前池消舊水昔樹登今
花一朝辭此地四海遂成家其二金輿迴白水玉輦駐

欽定四庫全書
武功縣志
新豐故墟
新豐故墟在縣東南十里漢地理志載亭長事者也東漢
空飯佩蘭凋徑舒桂葉剪桐昔此一藩內今宅九園中
衆海澄鏡輪戈器反農八表同文軌無勞敷大風雲
宗時飛雲臨紫極出震表青光自爾家震海今茲反帝
卿情深感代國樂甚宴儀方白水浮佳氣黃星聚太常
參風鳴層閣鄧君賀雕梁柱山猶總翠藹薄尚泥芳攀
麟有遺皓沐德作稱觴儀詩石閣清泛夏都興御千秋
神遊颺珠雨仙吹響飛汎神水祥雲泛夏都興御千秋
風凝漢筑襄相入舞球翠梧臨鳳邸滋蘭帶觀洲偃宮
伯歌元化危蹕頌王遊遺簪輝茹獎拜華荷恩休

後又改爲慈德寺史逸其年今寶村北仍有寺名慈德
蓋沒而遷者也

簾亭在縣西南三十里漢地理志載亭長事者也東漢

徙縣古簾城而以爲亭也今屬扶風縣
高望亭在縣東二十五里唐天后武氏行宮世說中宗
築以望乾陵者

綠野亭今在縣南郭東外爲宋儒張子子厚寓所張子
與武功簿張山甫厚故武功弟子因從子厚遊亭此講
學焉弘治八年冬戶部尚書沁水李瀚時以御史巡按
至諸生以白御史御史過謀於提學副使今少傅吏部
尚書楊公一清楊公以知縣學通有良治能用其民一

欽定四庫全書

武功縣志

六

以責學通踰年乃成改曰綠野書院擇師授徒文教彬
彬然勃然興焉書院前爲堂祠祭子厚而後建講堂學
舍故禮部尚書吳文定公寬有碑碑曰閭中有大儒曰
或以道學鳴於時君子以其德尊與孟子比夫自堯舜
至于孔子率五百歲而道一傳孔子沒而道無所屬此
孟子之自叙而具自任之意亦可見也至昌黎韓氏以
之凡不得其傳則直歸之孟子然至其時亦多而四不
謂以其數則過矣者而泰漢以下儒者亦多而四不
其傳則孟子宜易比哉自唐至于宋又五百歲始得濂
溪周子河南程子先生實並時而出而君子獨以先生
比之孟子雖程子亦推稱之則其人之高豈非振古
豪傑之士哉故當是時學者爭師宗之人至于今過其
地仰其人肅然起敬不能自已武功爲西安屬縣城南

有錄野亭先生之遺迹也蓋先生少時學而未醇及至洛中見程子論易自以為弗及乃從西廡以與學者講完下既出仕於朝他日治獄外郡而還移疾屏居南山後以事著書蓋史之所托大略如此錄野之跡居其西還與屏居之時乎陝西提刑按察司副使楊君應寧由近臣出領學政公勸善教士子經指授者輒取科第君謂錄野即其教學者也嘗行縣顧瞻山水明麗可愛所見始謀即其地構屋以祠先生到為屋俾士子講習其中庶幾仰止景行之意諸生聞之相與感激言於地按御史李君叔淵雅重風教乃下其事于君君以縣令家學通財復古廢祠亦咸樂相助數月而功畢名之曰錄野書院擇士子尤于其中而以縣學訓導趙文傑為之師俾日講性理之學凡縣學諸生則三日一至聽講其規約大率與白鹿昨陽類未幾若西安鳳翔諸生聞風欽定四庫全書

行也君既喜其志之成間以書請紀夫養士于學校取士于科第此固朝廷今日之法然學校之所講習者皆經傳之精微欲用其人持以科第取之耳為士者昧其意以聖賢之言止用以資為利祿之計而不知道與此之不相背也今幸賢憲臣有見于此其故習特為弘此舉以作興之學政之大無踰于此其用心可謂至矣使今之領學政者皆如君之用心風教其不變也乎雖然聖賢之言學者于此則無弗當讓者而橫渠先生言求吾今日奉此之師也其書則又謹其節文備具以禮為教之心反之于躬見之于事而謹其節文備具以禮為教之心規振于流俗為世醇儒此固賢憲臣所望於士子者也于是取科第出為世用以行其所學賢憲臣之意亦宜為士子禁哉書院建于弘治九年六月工畢于是年十一月明年今去改建才二十三年矣其廢壞已十四月登未記

五况久遠乎錄野亭故在漢義勇武安王廟後稍北原岵下有古洞成化末猶傳有石刻亭記居民惡其害已也乃投其石于井中宋侯欲去狹隘且厭與細民爭校故移之于此此故像真庵宋侯易民田恢闢耳何若仍置諸岵下為實錄近理也雖學訓導趙文傑詩城南百錄野有名字已沒荒碑少字石猶存經霜柏老乾坤影繞帶河沈今古幾修損橫梁辱未得日中五馬到黃昏正德丁申翰林院修撰高俊以樞子錄野書院講學先生祠詩二月入武功載揚揚橫梁相春祝報芳潤好鳥鳴大枝錄野終南翠舍情實在茲昂求曾風夜人七道未溫微阜下程氏執禮西仲尼表時脫支蔓訂額有欽定四庫全書

私瞻依真氣象無復夢中疑茲邦有君子跡殊路不岐豪邁存餘故高懷有哉知瞻飛要扶搖脫化自天池斯文應不鮮白
章應物宅應物長安人漁陽兵亂後流落失職始更折節讀書屏居于武功然莫知何里其經武功舊宅詩云茲邑昔所遊嘉會常在目歷載銜二九始往今來復感感居人少莊莊野田綠風雨恒悲舊墟毀垣遠往踴門臨川流駭樹有異離宿多累但悲往長年覺時速欲去中復留徘徊結心曲
姜原墓舊志云在上南門外南去三百六十步又西四十步有三坎墓在坎上與東原梅家莊直

隋殤帝墓在縣西原武德五年八月辛亥唐高祖葬帝于此

蘇武墓在縣北

蘇許公墓在縣西南博村其神道碑在新寨西道南博游師雄墓在縣西北八里碑為耕者沒之地華表存焉東漢地里志曰萊在漆縣其民有會日中以相與夜中市如不為則有災咎故志曰風俗剛勁不事華侈務學力農有古人之風漢志亦曰好稼穡務本業有先王遺

欽定四庫全書

武功縣志

九

風然風俗與時推移繫諸習尚自予所聞見今已數變矣其可以定論哉成化時人重使氣不肯順理豪傑者至於把持治吏鄉人皆相推畏高之或至武斷于鄉今即有冤者不敢正目下吏矣引治時習侈善饗無豐儉之節日日擊鼓聚會靡有厭飲少年得分銀尺布則弗計蔬饌置酒彈結不避長老時節遊行男女率治容妝服佔佔自見或又好奕快為賢多言習禮送死奢靡擬諸王侯塔與婦翁至于傾產益承平之久法制明白貪官

汚吏毋所肆意百姓富庶靡有他慮要之天下皆然不獨此也今或不能供賦役革田廬矣然人事日趨諸簡約斯亦反古之漸也

建置志第二

縣署在城西北北抵城西抵后稷廟下原麓東抵文廟洪武初知縣祀重建倉二俱在署內原麓下草場一在城隍廟西一百步唐有柳子厚縣丞廳壁記殷頌曰邦制千里之內曰甸服殷梁謂之東內諸侯為王內臣其制甚重今京兆府理京師部二十有三縣幅員之廣其

欽定四庫全書

武功縣志

十

猶古也縣吏之長曰令曰丞丞之位正八品下蓋丞述六職以輔其令也秦漢有丞相今尚書有左右丞御史中丞至于九卿之列亦皆有丞下以達天下之縣政有大小其旨同也武功為甸內大縣按其國古后稷封有郇之地秦作四十一縣郇美陽武功各異至是合為董當為郇州已而復縣其土雖派美高厚有丘陵墳衍之俗大其植物豐暢茂道有相拒實載之宜其人善樹藝其俗有禮讓宜乎大雅之道烈為貞元之十五年改邑於南里既成新城凡官署舊記壁壞文遠而未克繼之者後三年而頴州陳南仲居是官邑人宜之號為簡靖因其族子存持地圖以來謁子為記夫以武功雖理之大人徒之多而陳生以簡靜輔其理斯固難矣漢高帝嘗詔天下凡以戰得爵七大夫公乘以上令丞與抗禮故為吏益難今天子崇武念功與漢初相類分禁旅以守縣道武功為多陳生為丞于是而又職盜賊宋有游其為理無敗事吾庸可以度哉為之記云

靖重修縣廳碑 大觀四年夏六月汝陽劉候幹以承事

夜憂勤以身任責其集謀決已候善於事功臨政不苟心

屏息良善者安處老有養疾有醫官無調發民無積道

因循而憚改作事滿弗填意頗弗文期以代去自為得

計其或好道觀將迎起臺榭池之役倚勢作威因

錄為奸至于公宇之徽往往引嫌而不加意是誠何心

我及其屋壞垣頽若類子待罪于此既喜民之易治又

勝計如是則公府美類子待罪于此既喜民之易治又

高士徽所建手詒亭也堂皇在後規模簡約乃藍漢呂

心堂河南趙茂會增修錢象創鑿口堂大梁李宗作清

庚舍內外完葺煥然一新惟令廢淤隘猷陋殆不堪處

欽定四庫全書 武功縣志

驗其故記定天聖中神公世衡改造迄今八十餘年侯

復數曰不廢不興不敵不新舍此而不事不惟有愧于

前人之用心亦何異夫樂因循而憚改作者邪刻是廢

也頭詒出令承流宣化之所臨制剛已結輝兩川限襟

數路正當四通之衝亦必有以稱矣于是處材鳩傭

去棟榑梁楠之折抗與夫益瓦級磚之缺者躬有經營

悅使有術人不宜為勞增廣制度壯偉閭閻不以爲

侈靡既成候會賓僚落之是日也黃童白叟聞溫庭下

瞻仰咨嗟始知公府之嚴令尹之尊也如是嗚呼當是

職者必有以處是處是處者必有以任是任是貴也侯

之祖坦踐居中外為時聞人嘗受知于仁廟有醇儒仕

吏之稱所賜飛白家翰至今寶之侯金德不忘果能任

責以孚民望其可謂善世其家者又得發明名已之作豈特

記新廟之歲月揚厲侯之盛美又得發明名已之作豈特

詔後人故係之以詞其詞曰太白崢嶸作鎮坤靈武功

山連亘古長青封后稷周賜泰畤作已於此因山命

名漢自渭南徙古郛城宇文造周易治中亭中亭之川

原隰砥平唐為稷州作輔陪京復隸天府邑是以寧風

周西拱武水南傾人尚禮遜俗尚農耕神充誕聖瓊頤

騰聲域合發詠柳子私匪僥其榮克紹祖德允協民情

振廢無戰征匪植其私匪僥其榮克紹祖德允協民情

樂其成載瞻載仰政治惟

儒學在縣署東北抵城東西皆抵民廬而獨堂西七丈

許抵北街洪武初知縣祀建正統時知縣俊重修宋有

縣令趙茂會碑士志于道者常患乎不得逞其學得遂

時能信之則君子以為榮遇焉此武功縣學之興而銘

序之所以作也建中靖國元年夏四月知京北府孫公

欽定四庫全書 武功縣志

覽奏以壽春縣令趙茂會知武功事秋八月公去崇寧

元年春三月茂會始來是秋貢士府十四縣應格所取

武功居多時數息其遺者尤眾既冬邑人相謂曰戰盜

賊撫良善政今之所在也李第姻睦以考其行誼諸議

習以和其心性命道德以進其學貢士人之所望焉乃

謀算孔子廟聚生徒而浸淫不居十二月有詔建乃

學縣學養士之法同僚相語以州縣吏雖尊賤有次其

申明孝弟執後先耶茂會懷然以興曰鳴鼓不敏若王

之休命明年春訪陸地東于府願易期西樓店計臺轉運

舍知府事度公策從之徹木于淫祠經費于計臺轉運

副使許公天啟可所請即日給資錢五十四萬資其用

度於是築新基南向為麗澤堂左右前廡夾布八齋名

之以道德皆新作也其東宣聖殿小學職堂之征瓦廚祭

器隸者所直舊舍足馬補缺益卑與新允稱總五十二

基長二十有五尋廣十有二尋餘六尺經始於二月乙

丑落成于三月癸巳鳴呼學技為事必興于聖人極盛

之時三代可監也蓋備所養以期所用今吾君特天下
之士厚矣天下之士宜思所以副之設曹何人獲宜聖
化且得効犬馬之力于其間焉過為榮聞可言計程學
稽首敘事銘著之金石以告學者銘曰夏后庠序商
邦盤宗周王類宮中之孝弟漸庠仁義名殊遠明明
我主起三選五人才是陸氏有矣則好是懿德合由以
容家黨術固塾庠序學慨然幸崇遷升次舉匪私是與
允期于公咨爾有衆學以致用勿尸厥中入孝出弟居
仁由義敏則有功以副威 據碑則今之縣署乃學不知
何時改易之豈金元兵燹之餘草昧之際縣廢而學存

治事者姑且居之乃其後竟因而不返與正德八年知
縣劉紹重建明倫堂十三年御史張文明行縣以廟學

欽定四庫全書

武功縣志

三

類敝命知縣昌修理更以渭源度頭抽分益之昌憂去

明年御史張欽行縣見其益敝乃與守巡參政畢昭副

使楊鳳謀通借咸陽行棧抽稅屬同知趙錦監抽會都

御史鄭陽檄至嘉啟厥工提學副使何景明知府劉祥

又通責諸知縣璋茲方集工舉事未已云倉一在堂西

南

稅課局正統二年罷

郃城驛在城東南洪武初知縣祀建驛倉即堂左右廂

驛草場在驛東南城隅

長寧驛在縣東三十五里俗曰東扶風鎮軍站也成化

中移置清水石嘴

陰陽學在縣門外今廢為縣獄

醫學在大十字東舊有地三間今存其半俱知縣祀所建

僧會司在報本寺

道會司在鴻禧觀

申明亭在縣門外與旌善亭同處舊志言遊鳳有古旌

欽定四庫全書

武功縣志

古

善亭又有古倉在社學之西

諸行署布政司在宣化街按察司在縣署西東面府署

在縣南北面長寧分司即故長寧驛也敝則與興平縣

合力修之 禮部侍郎河東薛文清公瑾過武功書按察

紅渭河水遠波聲小太白山高樹影重道阻已無蔥德

寺居人猶說有萊封東行無限前朝事盡在黃塵綠野

中陽紅風生武水波千尺雲鎖香山樹幾重唐宅基湮

青草合許公碑古碧苔封行人欲問當年事都在漁樵
晚笛中侍郎南陽張開幹次韻南有名山山號武功渭河
水漫曉霞紅煙迷隋塚高千尺雲鎖郃封厚幾重北屋
詩書多巨室滿城桃李應花封太宗唐主曾生此猶說

道踪在寺中都御史淳安方漢次韻誰向茲原啓聖功
周人王業伴殘紅鶴瞻王氣千年迴推道名山萬里重
慶善有宮留佛位姜嫄無廟任雲封連城舊跡知多少
都入荆榛瓦礫中知縣家學通次韻公暇循阡遍武功
滿川春雨落花紅泉通玉井三千丈雲鎖連城十二重
鄭伯遺亭書綠野姜嫄荒塚倚節封大唐天子讀書處
遺跡猶存
上閭中

諸急遞鋪總鋪在府衙西迤東三鋪抵興平曰韓店可
會長寧迤東北一鋪抵乾州曰董量

諸社學舊惟儒學西有故稅課局址爾弘治癸丑知縣
學通以提學條約則里置一學又遴選其子弟可教者

欽定四庫全書

武功縣志

志

里設一師已乃時督率之學各有所在得詳之有興

復者庶幾因而求焉在城西即儒學西者坊廂里在布政分司之西俱得里在王宅村遊

鳳里在遊鳳集奉安里在奉安村韓店里在可曹鋪西馬

午里在故長寧縣西興城在焦上村顯義里在燒香臺

渭源里在東渭源村會同里在鄭村永豐里在張捕村

永安里在南姚安村邵封里在高村姚安里在鏡照村

演武教場在東郭門北外

養濟院在邵城驛西

漏澤園在東郭門南外

市集在縣方內者三而縣不論最大者長寧集月無間

日遊鳳集普濟集以日相遞而已

祠祀志第三

文廟在縣署東宋知武功趙茂曾建元世祖十五年
至元戊寅縣令王君營復之尋擢行臺掾去長安杜
淵繼為令力成其役宋有大觀聖作之碑天下皆
有刻茲不載元有李顯碑洪武初知縣祀更建正
統中知縣俊加葺治焉有訓導曲新碑二碑文辭
鄙冗故不載

欽定四庫全書

武功縣志

志

社稷壇在北郭門外

風雲雷雨壇在南郭門外

厲壇在小北門外

城隍廟在東門內成化時知縣琰重修正德初知縣鍾

仁嗣修焉

姜原廟長安志在城外西南原麓間脩有后稷廟今俱

亡矣今后稷祠在城內西上故寶意寺址也弘治丙辰

知縣學通改建祠後又作姜原祠修撰呂梈登謁后稷
祠詩夫子天下烈補

鼓廣天皇其芽當茲土種德邀無疆有口咸食力同極
齊穹蒼二月武功曲黠鳴抑半黃星言拜古祠陟山
中相烟川聯春聯覽極獨慘信風塵縣哀
宇蕪裝製子陽幽惟躬稼澤誰可使均獲

唐高祖祠在鳳岡之巔前則太白行祠也太白益封內

故山漢永平八年建祠于此洪武丙辰都督耿忠以縣

有高祖故宅故祠高祖于太白廟堂之後而別自為太

白祠記洪武九年春于欽承上命領兵來戍陝右操練

醴泉興平州武功西抵鳳翔岐山扶風南至郿縣盤

屋等處悉致其所農作既既而于亢陽種未得下遠近

咸以為憂拘論故交皆曰西而太白乃本邑之名山上

有泚沈歲旱則率迎是水每禱輒應專以四月中旬擇

欽定四庫全書

武功縣志

卷七

日齋戒躬親祝辭遣僧覺用等齋香卓祝文詣山頂投
辭請水既至率官僚吏卒暨郡民數百千人備鼓吹郊
迎展祭於武功太乙之神祠是夕大雨滂霽三日乃止
遠近罔不周沃及六月又早禱請如前復獲沾足秋八
月未將垂實早甚復請禱之大雨隨至麥稻稿為欣榮
易神吟為歌嘯感神之賜甚渥也越明年丁巳夏四月
六月俱早復申迎請禱如前歲之儀而亦五禱而雨
皆尺餘間輔之中軍民鼓舞二歲之登元五禱而雨
咸應前後一如影響百穀成歲年歲豐登賦駢臻焉
仲報答先是鳳岡上舊有神之行祠歲代綿遠廟貌傾
摧聖神像煥然一新又今于武功故城得神之碑誌
於遺廟之側具載太乙古今顯靈之跡并歷代加封
號蓋自唐玄宗天寶中勅建廟貌封神應公宋仁宗嘉
祐初封濟民侯七年改封明應公神宗熙寧八年遷封
祐應王其所以衛國濟民靈應昭晰祀典秩然歷歷可

見鳴呼人敬神而獲福神依人而廟享人以誠感神神
之靈佑國此幽明自然之理也今以神前後靈威顯應
以蹟直書刻石置于廟壁庶唐有李太白登太白峰杜甫
使後之觀者亦知所崇敬云

喜達行在所詩因并附之李白詩西上太白峰夕陽窮

蘭願乘冷風去直出浮雲間舉手可近月前行若無山

一別武功去何時復見還杜荀詩西憶岐陽信無人送

却回眼穿當落日心死著寒灰露樹行相引道峯望忽

開所親驚老瘦幸苦賊中來其二悲思胡笳夕淒涼漢

苑心蕪七枝前今朝漢杜稷新數中興年

唐太宗祠在北郭內鴻禧觀三清殿後宋元祐戊辰直

欽定四庫全書

武功縣志

卷八

龍圖閣游師雄建有趙茂魯碑專有大寶聖人守焉上
乎堯舜仁義於高湯大王有周大勳集武而幽厲廢之
侯國時聚七雄蟻子以昭祖國而懷二世也漢承秦之
俯首以取權謀與備因漢弱而懷裂晉則虛誕不支而
宋齊梁陳潰于西陽正統堅絕有唐臨纂隋以興信
昭宸衷五代竊據天開地奉乃歸于有宋之真人馬顧
若相因迭為興廢者明主賢臣可取法有暴君汙吏
足為戒者所以資我聖時為永無窮太平之治具也
然歷觀前史惟其有甚繁亂之慮然後生大英傑之君
故必能措海內于昇平極黎庶于塗炭則漢之高祖唐
之太宗其倫乎按唐記太宗文皇帝以隋開皇十八年
去是以京兆府武功縣之南有唐虞善宮今為慈德寺乃
其所也北曰報本寺神光之舊宅焉先是縣國雖載殿
事而祀無文龍閣游公慨然興歎率里人即報本北

開經始廟貌法大壯以建殿宇想天日而形塑繪左右
壁間悉圖貞觀朝臣共姿凜然彷彿見當時之盛於是
肅嚴致敬有所實元祐三年戊辰歲也復十四載治陽
趙茂曾被命長邑一日至祠下而龍圖公弟師誥之伯
氏為使者愛民以道率吏以誠觀其淑風俗教化使
法況莫意下決于田父野老之肌膚雖古昔父杜母
之沉莫可過者若大執律取師則折衡尊錫笑談惟懼
豫計勝否驗若符契致朝廷威靈遠震于遐荒重擇之
巢穴雖前世班超李牧之輩無以尚矣我思其致今也
則亡常企慕之恨不得述其梗概藉幸君之及此也昔
遺州公肇是祠宇俾後世識者以人物稱其風氣則追
遠厚俗之意豈淺也哉故論前世治亂之迹見文皇帝
之英傑因記其祠之者名氏云游公名師 不知何時作
碑字景叔大宋崇寧元年中元日謹記

武功縣志

十九

欽定四庫全書

武功縣志

二十

觀祠前洪武初都督耿忠重修而仍圓凌烟功臣二十
四人于左右壁其上各書唐史本傳乃更刻太穆皇后
傳及帝世系于舊刻帝幸慶善宮詩碑陰跋諸後曰洪
武丙辰春忠欽承上命領兵萬餘來關中悉建屯戍因駐
武功而控制之武功實有唐太宗誕育之地山川孕靈
篤生賢聖信不誣也暇日尋訪故基得古碑於城南椿
華中上刻太宗御製詩二首乃舊立于慈德寺而更樹
于安養堂者碑陰載順聖皇后傳歲代綿遠字畫磨滅
殆不可辨于是感文皇之聖孝慨盛迹沉湮遂命工重
為摹勒復置之城北鴻禧觀蓋太宗遺像馬廐使後人
益知所敬而傳之永人云時洪武丁巳正月十有九日
也康長公謁祠時隨日生靈極厚雄問獨夫八荒歸聖
歷數語見皇圖季寧終潛洛鄠陽肯事吳辦香陳閣殿

想像賦

名宦祠在縣署內儀門東外所祀古今三十三人

鄉賢祠在文廟戟門西外所祀古今三十八人

報本寺高祖別宅也在北門外慈德寺見慶善宮寶意

寺見后稷祠橫渠先生祠見綠野書院太白行祠見高

祖祠鴻禧觀見太宗祠外有東嶽廟在東郭外漆水東

關王廟在南郭西外坎下火星廟在小北門外東北野

田中無名氏慈德寺詩昔年高祖宅今日梵王宮塔律

白雲外僧行綠樹中吳客唐刊聖墨蹟來諸公半

武功縣志

二十一

日休心處烹茶話祖風帝應物經實意上方詩翠嶺香
臺出半天萬家烟火照晴川諸僧近住不相識且聽微
鐘記往年康長公實意寺詩傷秋人事絕習靜入招提
轉業生松下看書忽日西青雲雙翼翥白髮近年齊欲
別浮坐者悠悠向南陌前人同高今登太白祠覽李思
齊故城元命感天紀八表露同雲羣峰各自起天春安
所存李生效時哲攬轡來此軍樂塢倚深壑飛鳥不能
伸自謂險宜時寧知君欲仁古帝發淮浦柳將入咸秦
一鼓事乃定初接身已殉竟魂夜夜夜血風十里聞
不致道半百廬所指因喜宮殿清常陪隱逸士翳言談
尚茲清心詣玄理雲冥冥歸露下緊足見怪峴時相
人安得從主已康阜觀東嶽廟寒神鳴鑼擊鼓人黃昏
老婦猶言如蠟燭板板吹滅盡震地起見怪峴時相
女兒百十擁隊出棧朱點翠如天孫神祇若來雲若垂
節拍未竟新者弄君不見豐年泰稔未滿灑夜半惟料